

白鶴山房註鈔



832769

白鶴山房詩鈔卷八

歸安葉紹本仁甫

古今體詩三十六首

九月十九日石士同年招陪梧門前輩及諸同人集太乙

舟小飲余以病未赴四疊子卿韻奉柬

書韻錄

平生麋鹿性一往愛樗散每苦塵網侵難挽強弓滿適意惟緇
繩榮身豈珂繖頗愛王湛癡誰識謝安綬北郭有詩翁騷壇仰
微管元音鐘呂發妙悟根塵斷眾材所皈依望風甘肉袒清秋
高會始雅集盛名纂佳客亦何多辛迂兼李短繫余况通門褻
裳亟叩款何意蒲柳姿遽睽猿鶴伴未飲長桑漿空羨抱朴盈
湖海讓君豪警髻志余嬾七發幸摛詞君文世所罕

偕秋吟簡菴訪相者不值又疊前韻柬簡菴

白鶴山房詩鈔卷八

一

何人堪令僕委卿自黃散相形不如心奚必田字滿君本銀鏤
家列牧雄麾繖共羨衣帽醇豈徒裘帶緩文章榮禁闥瑤玕珥
赤管過目眉應長監指理寧斷台輔可拾級那用臂志袒子况
耽巾箱矻矻一編纂香誇班馬濃牆欲劉李短行看食肉飛何
須祿眼款舉肥正有儔鳴雌安得伴漢許負封鳴雌亭侯吾面只如樸此
骨或隆盈未若觀我生巾屨習疎嬾至哉吉人言此術諒今罕

又疊前韻柬秋吟

夜半觀台星姬人怨服散人生得失懷隴蜀幾時滿入座四照
花排空七寶繖苟得住世緣六鑿俱可緩與子官承明生事付
湘管蓬山一水間迴與外人斷儘可樂歌呼無事嗤褫蘭臺
諒通明學堂恣輯纂奚必馮勤長那謂李詢短姑布亦何知茅
通曷須款惟當鶴骨侶且結虎頭伴君工畫故云大隱學金門半酣

醉玉梳鬢莫教瘦筋肉任從懶便指
泰壇郊好爲頌

雲罕

與同人唱和用蔗字韻已九疊矣鄂帆從子小能彌甥皆
健於詩者復十疊前韻以示之

詩情濃似初壓蔗四壁朋箋繞高榭已看寒鳥欲號冬猶憶吟
蟲曾語夏心兵撥觸那禁持意匠經營非締架針孔搜來變幻
頻丹砂擲去迷離乍石友青松正結盟水銜紫籟原多暇雕龍
辨口問吽牙走馬詩懷黜歐歌七十二變女媧身八萬四千阿
育舍湧地毘羅界孰尋摩空彌戾輪寧卸清響真絙孤嶺桐絲
絲疑飼山園柘逸興裴王賞不虛聯吟皮陸名誰跨妙語還教
玉合逢奇思似有珠船逐仙客從誇鳳腦然賈胡定眩貓睛價
搖毫頗覺鬼神驚沆壁寧嫌市兒罵田成調合自同聲邢尹妍
爭非衒嫁信手煙雲世莫謹娛心金石原堪詫齏白風流外氏
存竹林志節清吟罷爾曹亦足張吾軍馬當風看雲帆借

胡墨莊太史

承珙

見題拙集答和原韻

白鶴山房詩鈔卷八

二

學詩如學山巔頂豈易到五際合天行研微孰探奧羣響競爭
鳴蝸蟬徒聒噪皇苓及巴人驕志或長傲繫余少耽吟古意著
襟抱騷壇角偏師誰建俊猊轟強弩空蹶張輕未穿魯縞荒荒
三十年齒髮幸未耄承明忝紆紳清廟慙奉珎畫樣學壺盧枯
藥那沃膏調言與長語安得爪爬瘙之子曠代才筆陣快一掃
好古探皇初塊杼聽武臬沿波必討源治河積石導壁壘樹堂
堂嗤彼竊負耗胡爲嘆榛蕪望古中心悼嗜痴乃到我昌歎有
癖好佳句中鏗鐘衆作枉叫號盤空硬語撐戛戛盡獨造敦盤

試狎主宋鼎定納部后言喻蚓投早快嘉魚報

敦良堂消寒第二集觀秋吟所藏杭厲諸先生手蹟

觀書從來比窺日目眩古今多著述搖髮虛勞九萬牋誰是典
裁兼藻密紛紛儻父刻詒癡叟僕數之未能悉人日鳥鵲踰鴟
羊深夜徹燭路如漆嘉君四座列古懽棐几縹緗供擁膝江鄉
先達故紙多一一標題羅甲乙披緘如對百年人觴詠風流盈
卷帙退直况當朔吹寒楸圍鑪烘暖室豪吟白戰學聚星卻
似潁州逢六一蠹文蠹扁復探奇太史龍門蒐放佚我慚柳
未能知安敢拈毫重品隲殘煤敗紙古意存如操鳴廉緹娥瑟
良會如斯豈易逢瓊帽過關七賢七座中恰散髻斜簪故自佳
一室天游聊誕逸金樽百罰那須辭甕畔捉得吏部畢巾箱世
學故推君竣也由來得臣筆

白鶴山房詩鈔卷八

三

賀左田新遷講學即用賀子卿同年除御史韻

朱絲比直玉壺清一代嚴徐筆最精承

詔新勤雙隻直著書早擅古今名十聯句好吟誰及三篋儲多
叩必鳴早晚華簪映龍尾青儀合向

御街行

大玲瓏山館消寒第三集梧門學士出示所藏順治壬辰
乙未戊戌三科進士履歷輒作長歌題其後

梧門先生雅嗜古奇書蠹簡無不搜衝寒車騎忽過我示我陳
帙光盈眸名經千佛羅祕冊三科藥榜羣材收順治壬辰越戊
戌里居甲第詳部州英雄入彀千二百一一標注某水邱出何
經房系何氏細字件繫如蠅頭護兒之兒蘇瓌子亦有家學承
箕裘簡長盈尺博四寸麻沙版樣稊囊鏤高昇書肆志新刻紅

箋色黯猶風流面頁用紅紙色憶昔

先皇勅洪業威憺薄海來共球武功既燿文治盛鶴書鳳詔馳

遐陬登揚往往得奇傑外為方召中伊周即如此編志姓氏范

貞湯文偉望誰與侔其他公輔盡碩器黃崗宗伯孝感相國推

殊允漁洋老人况詞伯後先鞞鄂葩華抽補殿試漁洋乙未中

後人珍惜同琳璆古今賢哲總一轍那能軒輊均鈞鉤年年雁

塔數百輩孰似此帙名炳彪願公珍重緘藤笈虹氣夜夜徹斗

牛

周忠毅公玉印歌

名印之制何所昉傳自疾已司馬昌釘形匾式厥狀異以識圖
籍傳芬芳此印雙鉤碾蒼玉何年篆刻如陳騫季侯兩字認詰

白鶴山房詩錄卷八

四

屈庚庚翠琬生精光昔者臨濠將委馭天教闔豎操乾綱羣奸

搆禍起鉤黨盡排正士鋤忠良蠅營犬噬罪猶小何借羅織縻

封疆先生發憤書白簡欲誅蝨賊清天閭誰知曹社早謀鬼癡

兒難了悲辱王乞髡環泣恣簧鼓茄花欲溷宮花香凶鋒一觸

果難遏義兒黃閣甘飛章莫宏竟碧洛陽血哀哉黑獄填沙黃

千秋婦孺有餘痛誰令卷舌司星芒此印隨公幾年所丹心浩

氣日月旁當日西臺起屬草筆牀硯匣環縹囊印猶及見公裂

眦繩愆鐵篆同直剛文曰繩愆糾謬文孫七世緬手澤何幸得

此來南荒印得自滇南忠貞遺跡故不混稻衣段笏借珍藏嗟爾雲

初勿盡傷子孫永瑤世用慶雞鳴之硯鐵如意共此不朽垂文

房悅生小印鈴山記愧殺奸諛姓氏揚

子卿同年為我作畫並系以詩適以小極未得和也先賦

此詩爲謝且答來詩之意

鄭公絕藝誇今古妙手惟君最擅場姓氏定留文苑傳科名早
重祕書郎莫嫌下直妨三昧學士退直上馬爲大三昧小三見
昧君方以侍御知雜事故云
說凝神得兩忘多謝煙雲貽滿幅臥遊快我到溪堂

仿漢建初銅尺歌呈翁覃溪太夫子

都良娥筦不可見後世尺萁徒紛紜自周迄宋等十七長短強
弱殊毫分漢銅斛尺及建武與晉前尺無少塵校周玉律正脗
合出土無待田夫耘此尺年紀建初造章皇繼治恢洪勳去世
祖代尙未遠主衣尺度齊綱緝我聞肅宗好儒術扶進徵學稽
皇墳石渠臨制決同異衣冠文質區猶薰月令迎氣樂新作定
考鐘律谷截篔爰布中指制尋引璣衡上應規天文箕城古邑
畿外地寶鼎氣出臨河汾大陵冶近工鼓鞴赤精騰躍朱火灼

白鶴山房詩卷

五

銘詞二七志時地皓魄正射莊巖雲當時審度遍天下象牀金
粟裁袞粉貨泉縑帛悉準此器重師曷兼秦斤蘇齋先生今永
叔博物鑑古絲無夢伐檀仿作制維肖分刊重刻蠶絲紋以推
方田測禾蕘官禮說可區放紛吾家仲容復好事雲紀賦作垂
罄盼鎔銅規取法尤善寒暑可閱千朝曠延津神劍竟有二天
市帛度輝高雩度之斗室定無極疑義便可箋紉纁三微一著
本元象孰從太始窺壹壺作歌願附公不朽牽牛子半初生芸

題方鐵船同年詩藁

秋蟲寒夜苦吟聲骭麟由來意不平投老一官真落拓拈毫萬
卷自縱橫巖巒迴薄藏崖竅煙靄蕭疎見性情誰訪城中玉川
子數間破屋鎮淒清
詩國陳芳境自多未應雕琢損天和叱羊山色原僊界捫蝨功

名付醉哦真有高懷師賈孟可無秀句撥陰何霓裳共詠聯同
籍愧我陽阿漫學歌

東陳石士同年卽題其集

西江水清石齒齒迴巒復岫青相抵川原融衍出才人健筆盤
擎空壁壘太邱舊德本世承星聚千秋軼羣紀陳留太守古龔
黃爲政尤能畧鞭箠謂尊甫太守翁遂合厚澤鍾於君風翻霜蹄爭炮

美修門三策射天人科第聯翩掇青紫星軺一出採王風人謂

榮逾畫錦里君戊秋主試泮中歸來館直望益尊彪固談遷同所擬憶

我初識杜陵面推十合一纔舉士立談杵臼便傾心故交還溯

崔孔始任太守翁與先子同任兵曹交最深明年春榜復同登朶殿詞頭分筆珥

槐廳譚藝日切磋肯以淫哇廢宮徵露初星晚置近局談笑茗

柯皆至理蘇程况復託親串謝氏諸郎皆駮耳謂君從子希良余姪之夫也

白鶴山房詩卷八

六

湛蘭之醞日芬馨以膠投漆意何似竭來契闊動經年一笑雲

龍仍合軌我慙泉山忝持節披榛知采幾蘭芷八蠶未敢羨閩

絲但凜鏡煙記微旨閩學使署有鏡煙堂紀曉嵐協揆所題取人動如煙我靜若鏡之意君因請

急事幽討楚水吳山踏雙履江山益助筆雄奇麗句如披鄭南

毗嗟余廢學吹澀竽才華欲盡江郎綺讀君詩一快破顏敢對

黃鷄矜爪嘴東坡雙井一代豪七百年來今已矣強將曩弄學

工歌鐵石朱繇吁可恥期君祖社振宗風閉門覓句陳無已

覃溪先生招集蘇齋作東坡生日觀所藏天際烏雲帖真

本及吳荷屋前輩所得蔡君謨茶錄初揭敬賦長句

不見髯翁八百年蘇齋先生生北燕鴻文鉅筆照宇宙更搜墨

妙紛題箋烏雲紅日夢中語詩老點筆華光禪錢塘通守復好

事爲書矮紙花豪妍後先輝映兩賢筆至今光采留山川鬪茶

龍井事韻絕壑源新焙曾烹煎蒲陽刻石細評品斷紋久蝕苔
花鮮是何因緣巧作合武林里孰揭麝煙楓亭真本恍復見卓
哉侍御工討研謂荷屋前輩以儷守居閣三絕如合遇蓋琮璜聯長
帽翁與壺山叟地下一笑應輒然我生早學坡公詩未與蘇齋
生日筵招邀何幸乃及走玉堂羣彥皆差肩看詩摹帖味雋旨
如啜奇薈清饒涎西泠湖水我鄉井持節况到閩嶺巔月團風
味快領畧兩腋習習僊乎僊公今聲名跨二老八十腰腳猶輕
便眠蠶細字暝能寫森森鐵石松枝堅嘉泰鏤本得故紙瓣香
已慰坡生前復從百衲補殘字忠惠願亦償三天千秋三絕傳
藝苑後有作者誰能先清泉香餅願供養天星朗朗明奎躔

覃溪先生命題所藏元人飛鳴宿食雁圖

閒齋題品湖吳興尺幀真傳繪事能蘆雪揮毫追處士

宋高郵陳處士

白鶴山房詩鈔卷八

七

畫雁見東坡集菰田得句重高僧

元端師題此畫有菰米秋田之句

寒枝揀盡江湖晚

蔓藻牽餘飲啄勝試向瀟湘看逸態蒼茫雲水影繩繩

八字行分步屈斜誰窺企踵傍圓沙休疑粉墨迷真本早見雲
煙閱歲華點染莫訛防禦夾鑿藏定屬老坡家荅川舊隱頻振
觸剩欲從公展畫義

贈曹大良甫卽次其韻

七百驪珠快乍投瑤卮爛漫照瓊舟通材同輩無全目了義分
明截衆流天上星精騰虎脊海旁雲氣躡黿頭長安挾策休惆
悵春草吟成付主謳

吹澀寒竽濫一官多君猶作識途看頭銜欲換方州節口語還
存柱史冠名世文章行自愧濟時材業古來難眼中麟角無如
子好向青冥刷羽翰

縹緲颺輪御氣行春風廣座見王衡洛中自就三都賦鄴下爭
傳八斗名墨瀋淋漓衫袖污筆花噴薄雨風生詞場勝業依然
在試問毘邪第一程

襟期磊落送高鴻寶璞寧嫌玷翳蒙白雪聽歌懷古郢朱樓對
酒憶新豐剪翎莫賦籠中鳥踏鐵應思塞上驄曾向越來溪畔
住與君同話蠟燈紅

壽劉浣溪先生

古文之學久不振近世最數桐城方姬傅姚叟復繼起紆徐雋
折如歐陽陳君碩士叟高足奇氣入紙清而蒼承明梁翰推巨
手齋頭玉冊排琳琅居閒忽念布衣侶元城有胄傳青箱長沙
弱冠正年少驪驅開道蛟螭翔山林臺閣各樹幟詞壇壁壘遙
相當因言學必有所受鳳雛驥子非尋常實田之澤湖厥祖浣

白鶴山房詩卷八

八

溪一集珍江鄉尤工作詩探風始梅花百詠含芬芳牆東石隱
表高節龍眠山色憑徜徉小園花木盡峭蒨藏春之塢逍遙堂
韜蹤岩穴老不悔等身著述輕軒裳文孫邴下好調護含飴終
歲荃蘭香以茲養志抱貞一空山日月蓬壺長卽今年初耳順
屆面梨髮鶴瞳青光讀書好古宜壽考椿齡自此彌康彊練潭
清與灑嶽秀供翁採朮糜瓊煨文章一事足千古况復駐景迎
嘉祥我守一官傍金馬武夷未得飛霞觴陳君與我相得厚打
門屢索皇琴章因君作詩報劉子少微南望星煌煌

石土用王荆公集土山詩韻見贈次韻奉答

人生苦自蔽察眉不見睫未乘橫海船乃詡浮溪牒高華何高
高幾人肯登涉黃河孰探源支流尋馬頰悠悠天地間書策乃
徒挾之子人中豪綠字祕瓊笈吐詞析雲絲造語穿月裔長嘯

盱江邊自儲不朽業讀書五車計灑翰萬箋輒探古逮皇初祖
語窺活劫諸子百家流殺饌佐餉篋醞釀出光華三日恍成鼎
詞場掉鞅游文戰血屢喋筆疑補元功造化若可變每爲出林
鷗毋作黏藥蝶千軍自能掃百怪真可厭牛耳孰騷壇君又大
報捷嗟余羸弱卒見敵常若怯字猶誤金根句敢鏤玉牒雙聲
偶自辨八病總難愜如以坳堂芥欲拏鐵船楫權籬聊自固榆
塞那橫堞招涼本無珠道暑但持筴所得惟筌蹄疇能剪枝葉
細字傳蠶眠雲孫空帖帖抗懷千載上先哲誰可接喜子結同
心製錦乃盈篋廣衢振高步弗效纖趾跣並馬馳長楸君轡遠
騰蹀嘔啞里耳中忽見孤管擲紫芝齋房供金莖朝露浥良庖
列八珍雪餽粲玉筴黎渦媽一笑天然露微曆書城築長安昕
夕苦漁獵只知陳編擁那顧華綬獵豈無穉穢人靜思等夢魘

白鶴山房詩卷八

九

新詩聊自娛硬語逾安帖已簪倚馬筆詎彈無魚鈇制行各兢
兢襟懷高巢壘戰勝自貌肥樂具詎情懔學登山萬仞那畫水
三摺自爲驚座陳敢誇望歲葉往者竹汀翁水鏡物望協探驪
入其室稍得見鱗鬣異書披古邱中有金刀鑷道山惜已杳霞
衣苦難攝蘇齋接龍門復見誨咕囁老罷當道臥貉子盡魂懾
與子幸同游奧義得間謀君爲賁孟勇那羨朱郭俠廬陵與臨
川前軌定能躡險語聊繼聲余口張不啻

偕石士論詩仍用前韻奉柬

吾聞莊子言德心戒有睫學海無窮波誰能泛輕艤津梁古人
具未必病徒涉要在內養充丹砂浮兩頰壯志千雲霄崕峒長
劍挾讀書棄糟粕不在事箱笈欲觀盤礴裸英雄乃駢脅奮臂
起徒步亦致絳濯業思緒通微茫八荒俄頃輒修成圓覺果乃

不壞歷劫擔糧自充饑無待野行饁瑣骨鍊九還琴心奏三疊
得意總忘言何人敢喋喋吁嗟此道尊功行比調燮列子泠泠
風漆園栩栩蝶苟其得至諦衆美誰不厭拔幟欲攻堅乘機莫
鬪捷常聞至人訓大勇常若怯與子託交親覃思探往牒觀書
眼如月歷論少所愜銀河接蒼茫放棹理仙檝軒臺尋故基高
築太古堞冥搜忘朝昏暑廢鑪筆枯木發春華狂花刪病葉
欲緇化玉書非玩碎金帖西行執丹漆夢寐羣賢接春明盍朋
簪遺書識亡篋鸞飛各刺天不比凡鳥跼聲名自騰踔闔風看
足蹠天際識朱絲鐵笛李暮壓藝圃擷膏薌精腴自厭浥一鬮
已味足何用窮七袂好競施嬌鬢詎如尹邢鬪脫帽或狂呼耳
後風獵獵九衢紛交轍每恐君綏躡得句輒高吟喜劇眠多曆
美人裁素絲細意妙熨帖將鏤玲瓏珮彌淬芙蓉銖錙兩搆凌

白鶴山房詩鈔卷八

十

雲百常眞岌業三鼓氣莫衰十盪志寧懔有若應侯骨渾不畏
折摺自杜韓及今傳世凡幾葉空誇壁壘張未得笙鏞協越人
多僂耳楚俗少長鬣或類新婦行陝輸鬢自鑷是皆四禪縛尙
未一切攝嗟余欲放言每愧語嚅嚅拔劍秦舞陽目動氣先懾
崎嶇萬軍中謬欲通一謀期子絕世姿相與誦佳俠短兵欲相
交丸影看虛躡願記雲巢語不動誰能啗

三月十二日陳鍾溪前輩招同潘芝軒尙書劉芙初董琴
南謝向亭陳石士饒晴香諸編修陳鞠存司馬朱野雲

山人暨伯兄琴柯同遊萬柳堂

長安三月春風輕棠梨花發槐芽青黃埃漲天日堀堦那得勝
地湔塵纓新城侍郎雅好古臺閣性乃耽林局城東泉石有遺
跡柳絲新漾垂天星招呼勝侶共攜具小車輕輓行溝阬煙郊

一望但平壤李花已謝桃花醒燕臺春色來最晚麥隴尙未新
芒盈招提忽露叢薄外金像陔剝苔龕平殘僧三五坐擇蝨雲
堂冷落鐘無聲隔林堆堞隱復見蕭疎意似來江亭登樓歷歷
訪題壁天書雲篆明橫庚平陂坐眺十萬頃方畦如罽羅縱橫
想當六月新雨漲蒲葦戟戟搖沙汀空明恍具雲水趣無怪綠
野忙經營此堂興廢閱百載後人周覽空怛怛益都遠紹廉孟
子譬如謝傳墩畱名新荷曲已遜疇曩浴烏誰復窺簾旌眼前
盛事一彈指但有佛火畱青燐酒司畱題倍超絕補柳功付丹
邱生謂朱楚雲工畫懸知一簣定成阜會見翠縷千香埜後之視今亦
如昔永和修禊陳圖經畱連茗椀未覺暮落日已謝西山陔

題南昌陳恕堂先生故園圖

紅藕搖香花在水點點樓臺映清泚是何幽築出塵寰不羨雕

白鶴山房詩卷八

十一

莫永寧里太邱之澤百世長興酣托跡營滄浪鄭莊置驛愛賓
客豈爲水石搜巖尚百年電影何飄忽曼卿早返芙蓉闕只餘
喬木榦參天鳳穴鵲巢氣醅醇名園半圯付流塵門闕愈高官
愈貧蕙楊蘿磴藏曲折但有雲月知前因燕臺老仙班馬手掄
才曾到章江口花源初訪未迷津再至雲山已無有博沙人事
迭推遷八十祁公猶少年不因程雪潭經暇那得仇池作記傳
夢痕重溯空江榜火急亡逋摹想像荆關老筆妙斫鈎貌出風
亭接雲幌標題八字燦簷楹墮翻書成山鳥驚從此葛峰梅嶺
外又畱遺蹟灌嬰城耳鳴陰德誠難及帶草莖生露猶溼我忝
劉盧締近姻仰首高山空停立主人調今嚴徐中書落筆詞
瓊瑤何當重構輞川宅椒園菓泝眞相於

旬日不晤石士以詩戲柬

翰林溼薪焚爆竹古巷吟聲出蘿屋一日不見抵三秋陳子清
才果如玉煌煌天網開文昌雙星照耀使乘光蠅頭作書日干
紙笑比舉子槐花忙我慚迂緩百不事且對春花謀一醉汗青
堆案難掣身書諾祇應識金字墨水可飲行當隨敢期隔簾香
散絲紫荷橐筆已有日看我西抹東塗時

題朝鮮使臣詩冊爲翁星源茂才

淡雲微雨來東國展卷知爲磊落人三水煙波縈客夢千堦明
月映前身

化覃鯁序真無外集播雞林定有因卻羨超宗原得鳳新詩著
手自生春

書吳蘭雪同年武彝詩後

我昔南游踰建陽火維地僻雄蠻荒巖巒篁竹互虧蔽青崖丹

白鶴山房詩卷八

七

壁森相望奔雲飛雨變歛忽石角穿破天蒼茫頗疑神禹未疏
鑿坐令地脈紛撐搪穹巖絕壑人不到仙靈於此來潛藏乾魚
一片武夷祀幔亭合樂彈笙簧虹橋天半不可接九溪流水聲
湯湯遂教異代嗜奇客裏糧躡屐忘跛躄冲佑宮高垂鐵鎖洞
天勝地琪花香紫溪烏石恣遊歷冰芽雪腳評旗槍東鄉吳生
本才子奇句往往諧歸昌榻來講學效安定驚湖草碧侵書堂
幽尋徑度分水嶺隱屏天柱窺青蒼楊枝嬌小况同往冒黛欲
奪仙峯長董娘坎篲荷香鼓似與太姥誇形相新詩示我倍奇
絕融結山翠凝霞光我生結習愛山水每到佳處頻徜徉簡書
行部苦束縛咫尺愧未昇筍將山靈應亦笑我俗至今魂夢猶
徬徨余昔按試建寧距武夷百里許以長安軟紅日吹面對此
非驛路所經恐疲輿從竟不及遊

益令神飛揚人生佳境那易到石髓漫自求嵇康

永樂大典餘紙歌爲覃溪先生作

奎光下燭通德鄉古藤搗玉明於霜開函寶氣爛盈几中有萬軸籤勝香繁昔

先皇盛文治

泰階耀朗開明堂卽笮既平三革偃遂啓廣內儲琳瑯縹囊首稽勝國籍鉅編哀輯傳燕王仍孫七世復重錄白州刺史肌截肪敲冰碾雪畫邊準欲與益紙爭低昂

詔遣儒臣載審定側理億番紬研光辨正訛謬補殘缺蘭函瓠本超瓊箱校成副墨恭進

御乙夜

披覽嘉精良爰

頒珍賚示光寵卷尾餘幅空界行虛柔瑩膩完且好閣門祇受

白鶴山房詩卷

三

同璆璜是時先生官祕校槐廳巨手推常楊攜歸蘇齋敬什襲淋漓筆陣馳風檣明璣光綯二百字玉堂掌故增輝煌朱衣院吏尙能說翰墨輝映堂陰桑從來殊遇古亦有所貴譽望恒相當公之述作冠當代嚴徐崔蔡疇能方固宜此紙供趨駑薑芽墨法齊鍾張密香萬幅賜杜預當年異數誇太康豈如此紙足珍祕海苔魚網慙粃糠同時拜賜十百輩巾箱遺墨嗟半荒惟公碩果獨健在青瞳奕奕神明強展觀數四起三歎

盛朝文物斗戴筐靈椿坊南歲星朗瑤箋玉篋千秋長

和吳淵穎題錢舜舉張麗華侍女汲井圖

箭虬曉吼銅壺急碧瓦朝涼露盤溼銀鬕玉手素絲垂美人如花倚花立紅鞞紺袖百媚生後宮下女猶傾城卷衣不隔珠簾影吹葉微聞玉樹聲高臺草覆黃塵膩繡襦空照雞鳴埭月華

門外霧沈沈愁見江濤飄木柿膝上封章決未終玉波蓮影恨
西風濁泥一尺臙脂水廢髮年年花白紅

初夏家雨翰明府招同茹古香前輩陳荔峯汪聽舫兩同
年集陶然亭小飲得五言二首

幽絕城南路孤亭帶晚暉簷風吹綠漲林雨潤紅肥殘日明金
像微涼透袷衣雞缸應薄醉徒倚漫言歸
會合誠難得譚諧故不厭精廬開淨界曲院做虛簾鄉語吟歛
共珍廚南北兼憑誰圖雅集名氏紀吳縑

題楚雲所畫萬柳堂圖

蘼萌彌岸芹芽白灑灑春流盪晴日百年花木溯平原煙縷千
條漾新碧雛鶯啼樹王鳩鳴長安三月春風輕崇文門外徑幽
僻小車尙憶尋煙扇幾曲陂池山一簣孤亭想見遺蹤在開簾

白鶴山房詩卷八

古

野鳥尙窺人雉堞參差雲影外高臺曲池半已荒那從酬唱說
朱王臥鐘冷落松門寂祇有山僧話夕陽鶴翎欲墮苔龕靜童
子關門塵事屏井華無水灌春畦廢圃猶懸轆轤繩東山裘屐
廣招邀僕指承平盛事遙眼底諸公看繼起廬陵山翠廣陵潮
我隨鞍馬諸君後舊夢新情莽回首江湖但觸故園思如鏡平
湖萬株柳粉本新摹付輞川盆都遺跡故依然新荷驟雨玲瓏
曲試問鷗波翰墨緣

太學石鼓歌

天文屈曲觀奎星史皇作字能通靈吉金樂石遞流衍及書穗
篆紛殊形劫火風輪閱時代玉府誰記靈蘭銘刻文於石尤易
毀雲根空蝕苔花青偉哉神物獨不朽陳倉寶氣騰蒼冥始棄
于野繼置廟文章爾疋儕六經秀弓彤矢適原隰鑿勒驛驛驚

雷霆忞彼淖淵汧河繹之夔夔鯁魴腥天子來嗣振復古榮
戟以奕皆來庭憲憲文武可其一鳧旌陰羽追前型告于太祝
禘嘗享鼎虜明德徵維馨煌煌二百四十字如日月曜常晶燦
鄭潘施薛費攷辨至今始定甲與丁戟門左右儼排列千載長
此輝朱櫛我聞古文多蚪蚪敦彝字半參蠓蜒散氏盤夏幼衣
斧雷回之篆同鼎劔此鼓字體獨一變虹紳瓊樹超哇叮九千
字實溯原始鸞鸞鳳翥爾典刑汝南祭酒每援證豈若斯篆輝
微螢後人鑿空逞凡說紛紛疑詰滄渭溼豈知此物亘千古與
泰元壽齊晨暝蒼靈要扶道術古存此法物示鼓棹孔子西行
未秦入缺陷恰補光廟庭方今

聖人正御世金鏤玉版浮赤萍重排十鼓仰

宸製後先一揆垂四溟

小臣

幸效簪筆職敢誇識字知豹廳濡

白鶴山房詩鈔卷八

五

豪聊繼愈賦作墨光映戶頽雲停

白鶴山房詩鈔卷八終

白鶴山房詩鈔卷九

歸安葉紹本仁甫

古今體詩一百首

題鄭少谷先生手書真蹟

抗節爭南狩高名孰與同人如長孺
懃詩學杜陵工即署頭空
白闕山花自紅蕭森遺墨在飛動
意沈雄

仿遣山論詩得絕句廿四首

魯國弦歌已渺茫唐山調漫按宮商
幾篇樂府低徊意直與新
宮河水長

枚傳當年五字真柏梁汾水氣蜃
輪建安恰有文章骨不枉人
間賦洛神

昂藏嵇鶴邈山河江左風流鮑謝
多獨有柴桑通妙理過溪一

白鶴山房詩鈔卷九

笑問維那

金蓮瓊樹漸繁華庾嶺分明又一家
綺麗要開唐世界雲機五
色豔奇葩

王駱盧楊派不同龍門腹橐最稱工
太原公子虬髯在早遣羣
賢拜下風

頽波橫制有黃門水碧金膏句內存
從古文章薄綺靡後人何
意味根源

修文學士競才賢許國燕公手筆傳
不及冥鴻天際好曲江風
度自翩翩

鹿門樵唱接王維華子岡前折露葵
最愛天都連太乙淋漓元
氣入聲詩

李杜光芒逼太微南陽渤海共驂駢
由來文物開天盛幾個珠

傳夜半衣

千秋嵩岱有韓公
鞭走蛟螭駕赤龍
十相威嚴大神力
何人鬼語泣秋蛩

斜簪散髻意蕭森
長慶騷壇付醉吟
義備葩詩新樂府
未教元相附知音

詩品王官莫細論
開成而後半西崑
玉溪生自雄旗鼓
漫笑兜鍪粉黛痕

名畫難將院體求
豔詞莫但說錢劉
君看格變歐梅後
自有江河萬古流

削成太華壁
鼻顏才力要難過
半山總遜廬陵格
好葛巾羽扇鎮蕭閒

磊落坡公一代雄
長空浩浩御天風
無人會得華嚴趣
目眴雲

煙變滅中

廬嶽雲開側面嵐
曹溪一滴慧公龕
半甌雙井春泉活
試把浩翁句子參

遣山風力道圓
能倣旨清詞得未曾
自是北南分兩派
幽燕老將水雲僧

楊虞詩律皆追古
一統皇元氣象殊
上嗣蘇黃開季迪
寶船檢得盡明珠

誠意青邱角兩雄
開基信有漢唐風
若論巧力能兼至
北郭詞人句倍工

臺閣三楊能偉麗
仁宣之際故應難
紫陽正學方流行
頗異堯夫擊壤看

應手泉珠機織紗
正聲一代數西涯
衣冠閒雅非優孟
卓犖紆

徐是大家

何李詩篇晒未休紛紛撼樹總虬蜂蓬頭聳耳登徒婦翻妬東
家眉黛修

虎賁形似亦何疑終勝蓮花唱乞兒學得參軍蒼鶻面教人齒
冷老伶師

白雪樓高氣自清弇州健筆亦縱橫憑君莫信虞山語浪子前
朝本竊名

黨同伐異莫相矜自有薪傳無盡燈著眼狂花皆客慧霞衣雲
表看飛昇

賀陳石士同年 記名御史

司諫權原抵宰衡休言東觀似蓬瀛鐵肝定要青蒲拜冰署何
如白簡榮嚴憚至今思汲黯爭臣從古說陽城知君胷有千秋

白鶴山房詩鈔卷九

三

在肯使雕蟲過一生

曹母彭孺人貞節詩

徹瑱徵奇節清風女史傳心如蒲葦執志比柏舟堅東眷門楣
貴南州族望先五憂懷祖訓貞順媿前賢

漆室吟非矯臨川孝獨真人間冰玉性天上靈珠身竹翠能凌
雪蓮香不染塵卅年茹蘗意辛苦爲彝倫

白傅金鑾石宣文絳幔紗銘椒劉氏宅飛絮謝公家縮髮型能
遺鳴環訓不差新昌方繼美柏府噪霜鴉

聖代風聲樹清門禮教嚴

主恩重綸綍

檐 雅化洽閨襜鳳髻三辰拜烏頭萬姓瞻珥彤慚史筆立雪憶程

唐人小忽雷歌爲繼蓮龕廉使昌作

忽雷之制傳何年文檀作槽棹撥全吟龍回頭叫冷月雙柱韻
迸珠盤圓黍管程量未尺半紅袖掩抑思嬋娟絲繩枯木解人
意眼中便靚修蛾妍我聞晉公昔使蜀巨木遮蔭桐材堅百鳥
和鳴集其下臨風枝墮聲鏗然遂命夔襄錯屋象製成雙弄追
田連又聞大和盛女部內家絃索誇歌筵浮以鳴夷幸不死中
丞名字畱稗編二說低悟不相入綠么白雪難差肩此器胡爲
合爲一絃戩那奏高山篇瑤徽金縷製本異臣滉拜獻誰所鑄
或者傳聞頗失實相公所進非湘絃年深往跡那可辨但愛古
韻餘纏綿雁塞天高秋月白烏孫有恨生窮邊南內淒涼舊法
曲玲瓏散水聽潺湲九百年來幾興廢世事渺渺移星躔獨遺
此器未淪沒飄零真欲傷花鈿蓮龕使君本絕俗錦囊什襲隨

白鶴山房詩鈔卷九

四

征驪褰帷受到故宮地渭水北繞魚龍川酒酣試與彈渡索空
堂冰鐵驚晝眠東塘題句更細讀黑河夜雨迷秋煙

鳳將雛爲朱蘭友編修并作

丹山鳳能將雛五采翁雜毛羽殊翔遊珠樹本並命康寧身悅
榮樂俱罨風何來吹井梧巖霜歛萎琅玕株翅垂口噤老鳳臥
啾啾忍聽雛號呼是時鳳侶心鬱紆吭血欲染啼鵲朱寄巢亟
飼鳳雛食窮陰殺節冰塞塗晨攜雛還夕雛往精衛銜石腸爲
枯風輪轉旋不須臾仙翮竟委衡山隅鷗絃悽悵彈寡鵠護雛
卻幸逢離珠雛今刷羽翔廣都上林得食鳴提扶春陰慈竹乍
回首猶憶啄抱親茹荼寒雲沈沈雪壓廬萬木立鐵天模糊畫
圖試認乳雛處白日慘澹無歡娛世間鷺子多艱劬葦若鷓鴣
能安居此雛長成異凡鳥獨能反哺如慈烏高岡之旁苞采敷

玉山禾實爲母儲端門金珠尺一下嗚呼鳳德今時無爲君載
歌鳳將雛

題閔正齋公孫大娘舞劍器圖卽柬石士

秋風蕭蕭秋樹直急雨空堂日車昃陳侯示我劍器圖滿座傳
觀俱動色霓裳繡帶光陸離鴻驚龍婉非凡姿轉旋撇捩眩儻
忽天地合沓雷風隨凌躍超騰無定相星迴電劃神爲王貼地
俄翻靜婉腰縈塵卻學旋娟狀元氣蒼茫入領巾絳唇珠袖妙
傳神宜春弟子當時態寫入生綃總逼真舊事荒涼閱時代幾
人親見娑盤技但看劉濼頓挫姿應識波瀾曾莫二延政坊中
舊內家杜陵淚灑罌塘花此圖筆力破餘地合令草聖師龍蛇
閔君一生湖海客卽今此畫已難得擲簡成詩意慨慷開軒目
注寥天碧

自鶴山房詩鈔卷九

五

題蘭卿薇垣歸娶圖

吟成紅藥句增妍才子承

恩正妙年此去榕城風日好

御香薰暖合歡筵

神仙眷屬豔樊劉樹是交柯萼並頭他日千行首興慶青廬同

拜

主恩稠

四十高堂鬢未絲蘭羞雙奉進瑤卮雲袂夏設真人座一曲瑯

璈奏管師

總角才名噪荔鄉白蓮千朶照深廊網冊幸慰持竿客手種瓊

枝是豫章

蓮開霧夕日霞朝風調何郎故自超自向妝臺咏新句一枝眉

黛筆初描

瀨水船歸賦翟翬當年盛事記紅薇

謂溧陽相公以中舍入翰林乞假歸娶

喜君

發軔初程在陌上花香拂賜衣

雨中遣興和石士

淋浪一夜雨涼氣卷輕紗全溼牆頭草低垂簷角花孤懷惟自語幽意與誰誇清絕歧亭客來過和仲家

六街泥滑澗常恐溢秋霖已慰三農望頻催四序心夢迴拏野艇疎想插斜簪佇爾高名在休爲擁鼻吟

秋日偶成

深館簾垂午晝長金風入戶作新涼幽人未預塵間事自撥薰爐炷好香

輒紅百丈鎮喧豗輕輓軒輿自往來惟有冷官心似水坐看黃

白鶴山房詩鈔卷九

六

葉點蒼苔

中秋偶成

秋晚餘炎在天清宵月高常年輪吐桂終歲火銷膏皓影催塵鬢流光換絮袍風花憐鼎鼎對酒意蕭蕭

題達摩渡江卷子

大江渾渾長天漠漠道人何來袒肩露脚折葦橫空跨蛟凌鱗四大海水一毛孔託何有微塵雪山吹藥流浮萍衆生飄泊漚泡中間於何住著西天衣鉢墮鷓巢鵲但求形相已墮禪縛是耶非耶蒲團芒屨試認達摩煙空月落

梧門先生詩集入靈隱書藏

平生未攬江南勝此日魂應翠巘依百首新詞畱筍束千年雲氣護松扉維摩詩格原同調兜率仙山好共歸莫向舊龕悲逝

水慧燈已照石泉飛

題王石谷諸家合作歲朝圖

晴窗相向寫春風冷豔穠芳態不同陸憶江城花事早折枝齊
插膽瓶中

平寇詩十二章爲釋堂制府師作

威聲銅柱震朱垠又築鎗壇拜

命新世仰夔龍來禁德

天教貔虎付元臣珠鈴策祕傳黃石玉版勳高踞

紫宸自是北平遺訓永蘭芽復見傑魁人

萬里庚郵卷旆馳平淮專仗相公師掃餘兇醜同蓬煇滌盡妖
氛等籜吹旋戍詩歌三捷速格苗功晒七旬遲紛紛狐兔何煩

戮天上分明大將旗

蟠木流沙拱

白鶴山房詩卷九

七

聖朝帛書牛腹敢興妖太平符水誅元義長樂修齋破子饒蛙
踞穴中真聚蟻燕巢幕上漫鳴鴉星弧一引天狼殪奕奕文昌
麗絳霄

百戰身親寶甲環柳營羣仰令如山火珠齊迸星千簇雲陣周
圍月四環豕磔重尤魂盡懾骨埋汪罔血空殷修羅兵仗經魔
劫獨藉神威警海寰

羽楫奇謨本不羣

帝能將將能軍小戎士挾同仇氣常武人爭敵愾勲突騎毛
吹來嚼鐵飛僊肉薄李摩雲潞公地望汾陽福瑀戟應鐫篆鼎
文

手挽銀潢淨洗戈靈夔布路奏鏡歌連村耕鑿安三郡夾寨烽

煙靖兩河震擊任驅漁水象雪飛無假蔡池鷺笑看俄頃櫓槍
斂兵氣銷爲景霽和

偃伯祥徵

異數隆

龍縑稠疊獎純忠封崇五等唐方鎮貴壓三師漢上公彤珥仍
飄雙暈翠錦韁遍踏九衢紅材兼文武推行儉麟閣何人第一
功

軼蕩

光輪照九天召公疆理咏來宣投戈列戍稀桴鼓擊壤中衢飽
粥饘定遠良謀惟置埃營平奇計在屯田路人爭覩旌旗色十
萬貔貅舊控弦
飲至歡聲達

白鶴山房詩鈔卷九

八

帝都

溫言書接拜

恩殊明光劍履三辰煥

崇政儀鸞百辟趨宣室

受釐頒折俎

鈞天廣樂聽鳴竽雲龍石水

君臣契堂陞眞看

一德孚

帶礪河山奕葉光

中朝宰相識王商家聲

天語懷仁傑世系人心重贊皇魏笏傳來功最著韋籛貽後業

彌昌瀧岡

賜酹榮瑤牒萬古烝嘗俎豆香

黃圖形勝控井幽督亢城高擁節樓關右地雄秦內史河南郡
隸晉司州中臺領鎮陳朱鼓外相行邊建阜存他日南康尊盤

經韋臯嘉績簡編酉

唐節度使韋臯封南康郡王

霖雨丹青識大名金椎玉鏡仰澄清鑾坡昔幸摳衣侍銀絜今
欣負弩迎濟世望真瞻斗極培材量似挹滄瀛行營珥筆慚韓
愈願勒螭碑著頌聲

廬山王文成記功碑

有明中葉其政收將軍威武天綱滄居庸宵闕帝出遊羣小競
進紛螭蜩大寧助逆遺孽苗析圭洪都生蝮蝎周公輔成乘石
高貽謀奕世歌鳴鴉彬寧暗結締構牢濁浪欲激章江濤丹風
吹地黃霧妖尤來大槍同劫剽宮妝老淟志孔驕把滑不聽西

廬山房詩鈔卷九

九

山樵疆臣伏鑕長吏逃一時鼎沸元嬰郊堂堂王公坐江臯講
學方欲窮義姚忽聞奇警傳中宵拔劍急起星芒搖指揮如意
運六韜卷甲疾走聲無響樵舍一戰頽雲燒豐隆下擊長風號
天王杵鸞薜荔焦豈學四布羅雉鳥罔兩膽落潛山魑貳負就
縛封狐標生致不殊撤與獮銅頭頓伏鐵額消手扶宗社還臨
濠棲賢飛流三峽橋雲中五老時招邀仙靈所集稱神寮磨崖
大書石骨敲坐令逆節鋤兇豪西江可涸石可培此碑終古厠
巖坳子行三軍誰所教如公講學真不祧泚筆爲志師中爻大
星奕奕東南交

于役魏中偶成

十年橐筆傍

形扉忽漫從戎事鐵衣舊夢頓違蓬闕迴新霜頻點鬢毛稀那

能眠犢歌春野猶恐哀鴻叫夕暉家政真慚吾職忝巡行何敢
惜征騑保甲事宜爲先人在晉中所定今奉旨頒行各省余奉大府檄編查魏郡煙戶故云

魏城懷古

名城環列九河通如掌平川一望中衛水自流東郡遠薊門遙
控北邊雄虎豹爭噬懷三鎮殺鏗齊飛痛兩宮莫向前賢遺
跡晚香堂廨圯秋風

于役澶淵贈朱少廬明府

焯

鋒車倉卒出承明回首柯亭歲月更戎馬六軍看洗甲澤鴻百
室慰呼庚勤民敢恤征途瘁讀法欣逢善政行保甲法爲先子

一路茲奉詔通行各省欽感奚如夢到

觚稜身在遠幾番

前席問蒼生

白鶴山房詩卷九

十

魏博南疆控大河千秋此地幾千戈鐵槍可有威名在黃纛徒
聞警蹕過俗近齊梁原節概人鄰燕趙易悲歌循良最憶韓延

壽俎豆莘莘樂職和

百戰孤城小劫中崎嶇始得免沙蟲燐光萬點秋煙碧野哭千
家夕燧紅旗脚捎雲遺壁壘戈頭帶血沒蒿蓬潢池誤弄嗟黎

赤及早春皇菽種

吠厖無警靜花村治行由來說子元符剖離狐能卻敵轂乘書
鹿豕探源淳風已聽歌襦袴薄俗還聞避毳琉璃擬更相期千載

上

堯民皞皞飲衢尊

覃溪先生重赴

恩榮宴敬紀長句

國家取士二百年天網歷歷收英賢十年藻榜乃三啓得士無
慮逾萬千梨眉齟齬各登進誰歟壽考躋華顛燈毬月舫老重
到此事縹緲如風煙

高宗之朝人瑞集畧記丞相光華筵謂無錫相公庚戌前後寥

寥莫相並靈光殿古驚歸然迄今盛事將二紀先庚後甲孰著
鞭我

皇繼治道益煥奎文奕奕明珠躔闕逢紀歲寫氈筆又見游戲
蓬壺仙乾隆壬申溯嘉會

慶都瑞氣光

堯天爰

煥丹綸廣錫類南宮試啓秋蟾圓壬申恩科以天香桂粟映

席帽公乃大捷泥金懸綠袍著身纔弱冠芙蓉淬鏢澄香淵從

白鶴山房詩錄卷九

七

此金門有嚴樂潤色典誥

天文宣彈指風輪六十載公兮解紱歸林泉武公好學晚益茂
申轅古義能精研天於耆儒倍珍護鏡黎無恙神明堅軒策推
排己過二潞公大耋顏猶丹遂邀

特勅許重宴蒲輪徵召堪差肩珊瑚耀首復舊觀繡裳赤芾榮
軒駟此會人間知有幾

盛世和氣通璣璿番番黃髮紀平格瑞兆鸞鷲鳴岐汧儒生稽
古榮己極後之學者宜勉旃通衆康虔古所貴願作姑鼎螺書
鐫李充之年未有艾更從石壁求遺篇

石土同年以送鄧嶰筠出守秦中詩見示卽次其韻

輻輳征輿度歲華頻年辜負上林花量沙頗憶軍書急驂篠真
慚父老誇犢子但聞馴萬井鴉衣曾說飽千家幸逢

聖代銷鋒早處處行吟壁籠紗

王事馳驅敢憶家
叩嶮叱馭任人誇
平時實政求張趙
往日虛名薄協華

螭陛恩光三接近
鳳河秋意十分佳
酒闌卻憶聯吟處
詩境同

停問字車

謂翁覃溪先生

寄懷簡菴

十載同趨蓬苑直
無端驅馬出承明
燕南薊北客行遍
槐火石泉歲已更
青瑣丹梯憐袞袞
紅牆銀漢悵盈盈
何當終返金門隱
阿閣巢痕認此生

得簡庵和句卻贈

屋梁落月軫離情
讀到新詩眼倍明
珥筆羨君銜未改
褰帷笑我跡頻更
碧紗籠句朋箋滿
黃菊開筵酒戶盈
漫說勳名他日

事可堪鴻爪記平生

白鶴山房詩鈔卷九

七

京師喜晤蘭雪聞將南行以詩奉柬

八年會合歧南北
今日相逢

帝里秋薄宦心情
同水冷畸人蹤跡
等雲浮白華潔
養遺詩補青笠
尋山健句畱愧我
一官塵土隔幾時
共作向禽游

得蘭雪和章復次前韻奉答

世事飄搖水上舟
何人長嘯倚清秋
轉丸歲月花開落
彈指樓臺沫聚浮
那得丹梯圖籍注
最難青史姓名畱
乘除已悟盈虛理
一室無妨汗漫游

題蘭雪廬山紀游詩後

江水東過敷淺原
中有廬岳之名山
奔雲泄霧奇變不可測
金樓玉柱杳藹虛無間
厥草惟夭厥木惟喬
巖際萬花發青牛白

鹿臥伏蒼苔斑石門之峯高嶄崿屏風九疊堆煙巒三峽橋邊
飛瀑響素練脫軸千秋懸周匡君晉遠公下而陶潛李白耽隱
畱奇蹤徐凝惡詩千古洗不得老坡一出廬山真面頰刻看橫
縱是山亘霄垓名字齊華嵩詩人千百各逞雕繪之而鱗爪
未識誰真龍東鄉有吳君天賦鉅手工裏糧登躡匝月興不倦
吟成奇句一卷裝郵筒我疑金庭僊謫降來紅塵又疑曹溪廣
長舌借君說法開禪津其筆濯沆瀣其氣通氤氲紙窗疎簾朗
吟一兩過恍如翠雲湧几滿紙斧劈披麻皴西江自是山水窟
我昔童年途偶陟至今夢想潯陽城隱隱香鑪含翠色官程來
往梭織途自慙軀軀疲旌旗安得片帆徑到虎溪口把君詩卷
細讀消居諸

潞河受代將之保陽畱別徐小松司馬卽次見贈原韻

白鶴山房詩鈔卷九

七

旬宣分部愧乘輅握手俄驚別緒遙官道兒童猶竹馬君家閩
闔本金貂高情每挹濃逾醴麗句爭看彩綉霄三月題襟償夙
願單車悵我早鳴鑣

朗朗裘山品自崇近畿巡警擬桓驄緹車共識聲名貴赤縣偏
資士馬雄入室蘭言欣灑雪都亭柳影惜臨風離懷無那尊中
酒四海心知付孔融

乙亥元日卽事

一氣元樞轉三陽辟卦宣玉靈飛竟曉珠粟兆今年衢溢朝正
馬冠多附珥蟬忽思簪筆日劍佩拂鑪煙

上元卽事

皓魄剛圓第一輪鬢絲又逐歲華新瓊樓玉宇天邊夢火樹星
橋客裏春綰綬乍承

恩綽渥時余奉詔儘先補用擁旄應覩使車真黃龍白鷺銅街景回首
當年跡未陳

白澗

行宮展覲恭紀

言瞻

翠華路迤邐轉神州亭障通遼海雲峰擁薊邱呼

嵩羣望切

祭

畢上儀周引對懷前度

宵衣握勝籌

去秋軍營在此引

簡發畿南覲

天成寺

亂山迴合疑無路蒼峽中分關一門泉咽水漸流暗壑樹穿石

鳥鶴山房詩鈔卷九

古

罅露危根層巖曲折梯初上梵宇峻嶒斗可捫一覽坐看塵世

小四禪天本絕囂喧

東竺庵

石色騰精鐵山容矗翠微松枝低冒帽苔氣冷侵衣危磴盤雲

上幽泉過澗飛層阿

行殿迴草木有光輝

潞川喜晤蔡心畬同年任詩以代柬

霓裳天上記同聽官閣重逢鬢已星人事雲衣真變幻秋容霜

藥未飄零浮名祇愧餐雞肋旅跡依然感鹿町賴有雷陳風義

在武功尊酒對寒廳

良鄉道中

策馬長安道東風三月賒粘天迷草色攔路舞楊花王事馳征

轡流光閱歲華白蘋江岸闊曾記釣師家

瀑河道中

言循瀑河曲迢遞轉郵亭樹遠卓圓蓋山低圍黛屏戍樓雙埃
白村市一帘青絕愛溪橋路征鞍爲暫停

古寺

古寺何年廢荆榛碧殿荒臥鐘埋蔓草斷礎照殘陽燈火禪龕
暗莓苔畫壁蒼老僧頭雪白擇蝨傍山牆

題姜筠厓左右修竹圖

萬个篔簹玉不如晴空籜粉落衣裾綠雲墮地欲無影中有幽
人讀道書

毛公壇外數峰蒼銷夏灣頭六月涼只合此君相伴住千枝風
麝對湖光

白鶴山房詩鈔卷九

五

寒蟬抱葉羽穿林此景閒中孰與尋千古高人姜協律簫材採
向碧篁深

題阿雨民太守霖乞假葬親詩冊

左符清望本無倫戎馬天涯百戰身幾處懸蒲標治績頻年磨
盾記前因篠驂歌咏雷樊口松徑雲煙夢析津珍重瀧岡新勒
表枸鐘昆冶共千春

菽水悽懷感素衷綠知移孝卽成忠鼎牲養慰重泉志芻粟籌
分上將功馮翊扶風雄保障桑枝麥秀兆和豐潁川入相尋常
事早晚除書下

紫宮

題鄭靜山觀察虎尾春冰圖

鐵騎馳驅閱歲年羨君早著祖生鞭妖星終射髦頭落憶煞弓

彎破的絃

撿渠折首戰功多橫槊勳名定不磨
血暈饜黏子璋骨驚人奇

句入饒歌

颯爽鬚眉寫入神封侯事業擬圖麟
多衣我亦參戎幕慚愧頭銜繼後塵

白鶴山房詩鈔卷十

歸安葉紹本仁甫

古今體詩九十四首

題汪柳汀司馬觀弈小像

圖作二人對弈一人觀弈皆肖司馬像

大易象函三慈氏法不二形影神無殊
去來今豈異二與一相
乘意言在空際我我周旋久寧復作我態
汪君磊落人觀我得
深契幻作楸枰圖丹青妙游戲空堂玉罍陳黑白儼分勢亦有
爛柯人拈髭若忘世是身如微塵夢泡同所寄我相卽人相安
能別真僞廬山面目多側峰橫嶺備以是了諸緣無罣復無礙
橋中龍綰存桐畔紗籠置一笑問先生真我竟誰是

安肅行館夜雨

孤館清塵夢疎疎雨脚斜古苔斂怪石雜樹落幽花煩暑中宵

白鶴山房詩鈔卷十

滌涼雲曲檻遮似臨江岸路閣閣有鳴蛙

長安城道中渡子牙河作

沙雨止還作山雲闔復開遠煙籠古戍野水沒荒萊畚耜河隄
急旌輿里埃催江河真在眼天際片帆來

六月廿三日雨

時雨神淵湧森森銀竹多早聞傾醴液真是挽長河高柳三升
墨遙山五斛螺西成應志喜九穗頌嘉禾

至

圓明園道中偶成六絕句

槐陰柳影綠成堆石陌平鋪馳道開遙望西山佳氣藹彤雲多
處是蓬萊

雨後郊原不染塵車聲流水自駢駢常朝初散人歸早一路涼

風拂紫茵

名園花木競相望幽勝還推綠野莊老樹成陰苔滿地果然仙
界現清涼

昆明池水滙清潔莢芹丹稜泉脈通幾處朱闌橫畧約綠萍一
道荇絲風

學館書山本上清

賜廬瀟灑似蓬瀛露荷萬柄香生袂銷夏新詩正和成

十年飽聽

禁垣鐘丹地分明橐筆從猶喜寒帷天尺五舊巢指點認銅龍
定風莊小憩

積雨煙林翠色勻黃茅小店淨無塵壞牆草綠迎風舞生意穠
穉亦可人

白鶴山房詩卷十

二

題韓雲溪孝廉三泰登岱詩冊二首

中觀凌天闕誰能絕頂登多君攜勝侶振策上峻嶒繫練吳門
馬垂雲大海鵬神房三十六試與訪金繩

鬱確瞻奇勝穹巖足壯游人如重累畫地本列僊陬顛氣連三
島吟懷小九州期君鴻筆潤霖雨遍青疇

郊外卽事

積雨陂塘聽吠蛙漲痕深沒釣人家連畦幸未禾生耳舞浪初
看菽有花斜日長川飛雁驚斷雲遠岫幻龍蛇通波宛擅江南
勝一片帆檣八月槎

出朝陽門卽事

榆柳灣環映一邨溪流汎汎恰當門石橋經雨椿痕損古岸臨
波舍影吞滄滄魚雲明復暗迢迢蟬韻靜逾喧喧城東便有煙江

意快我來乘使者軒

紫竹僧房小憩

溽暑初銷後僧寮宴坐餘幽花分小墜纖草帶前除紋水筠簾
卷屏山薤簟舒一聲清磬寂午夢正華胥

送萼汀姪之官定邊

淡雲疎樹暮秋天送爾牽絲度渭川官好莫嫌棲枳棘時清且
喜靖戈鋌頭銜差比柴桑柳手版先參太華蓮他日哦松書上
攷中牟異政記同傳

寄簡庵

一水盈盈隔相思經歲年芝蘭同臭味冰雪淨因緣久別塵容
改何時短榻連交親關氣槩神夢若爲傳

潞川卽事

川原繚繞抱河流

白鶴山房詩卷十

三

帝闕東蟠赤緊州粳稻千倉紅粟滿舳艫萬里素波浮雲橫古
道斜連塞風急高城正作秋獨把霓旌頻問俗迂疎何以佐嘉
猷

按部潞川泛舟有作

金鷄戒素節玉瀾明長川言巡雍奴部遵渚泛清漣輕橈旣容
與方舟復洄沿淼淼雲水空晶晶霞日鮮白沙迴中洲綠波媚
層淵大隄亘且修浦潏相延緣青蕪被長坂丹林蔽芳田邇迤
見村墟土鏗生孤煙

皇仁浹近甸大有歌周年觀茲民物豐彌想生聚繁繡衣忝持
節職在淳風宣願譜由庚咏匪翫秋水篇

和莘翁同年見贈原韻

官河擢唱喜重聽慚愧麟符說使星六察正資膏黍布
九重深沐

露蕭零要期比戶無懸耜尙恐閒田未讓町回首關西遺訓在
清風頌滿紫薇廳

重莅潞河使署有作

騶唱籠街兩度聽西流心宿恰周星温風仁覺秋猶淺甘澍剛
逢雨旣零竹落正宜籌上策柳屯應漸闢農町畿東千里資藩
衛戟外嵐光照使廳

潞河按部舟中作仍用前韻

一片吳歌水調聽沙根漁火幾星星籬花的爍黃初放隄柳蕭
疎綠未零潦水漸消歸渤澥嘉禾彌望有畦町甘棠成蔭懷前
哲何處重尋節使廳

謂趙德鈞

烏山房詩鈔卷十

四

題王漁洋先生集後

水碧金膏各自奇修眉盛鬢鬪容姿嫣然別有傾城態祇在無
言獨立時

談笑從容握勝謀綸巾羽扇最風流紛紛劍盾誇神勇空費孫
郎帳下籌

河西務作

霜落河隄曉氣清澄秋風物可憐生輕橈直下丁沽水一片寒
潮擊檝聲

魚莊雨泊

雲樹低迷帶遠洲潞河秋水拍天流雷聲忽送瀟瀟雨正在平
林東渡頭

閱視漕渠泛舟潞河而感

言挈潞川楫回首卅年餘疊浪迴沙浦澄波動太虛風高隄畔柳霜落岸旁蔬人事如雲幻喧呼問使旟

扳罾口

灣環曲水遠晴沙卵色天容襯落霞只少丹楓林兩岸輕舟行過釣人家

北運河懷古三疊前韻

浦激縈紆欵乃聽豈真屈曲應天星

天文志奎星屈曲

當年疏鑿功原

峻此日洄沿跡未零輸挽最憐來遠郡耕稷莫遺廢腴町放倉是處尋遺蹟

河西務沿隄多有元明舊倉及關廩遺址

想像籌持計相廳

舟中望薊北諸山

廣川百里少孱顏盡日舟行荻岸間忽漫推蓬京邑近翠嵐湧出薊門山

白鶴山房詩鈔卷十

五

通州城外口占

鮑印水繞雍奴古通路亭連孤竹遙此是漁陽形勝地寒雲疎樹晚蕭蕭

霜風颯颯送行舟陡覺輕寒襲絮裘卻憶故鄉秋色好芙蓉開遍暮江頭

子卿出守江南寄之以詩

清名臺省重此日縮魚符江左雄繁地淮陽德望孚民多樂耕稼俗每困征輸財賦東南劇無令膏血枯

甲科同歲射蜜醴喻平生酒盞循環飲詩牌擊鉢賡比鄰鷺鷥開闢接軫鷺鷥行此日歧南北何時會合成

寄懷蘭卿京師

咫尺修門隔思君無已時中朝多俊彥之子獨經奇漢殿簫能

賦縱山笙早吹黃樓詞筆偉磬石寫流脂
聞道詩壇盛延秋妙詠皆葩華生口頰雲露洗胸懷銅鉢吟偏
敏金鏞響最諧慚余紛簿領夜燭眼頻揩

題張萱仕女乞巧圖

癡牛駃女東西隔手挽機絲織秋月上天垂象催女紅昏中三
星照東壁羅雲澹沱金風天穀板花瓜勝事傳一鈎纖月掛林
隙綵絲爭賭鍼痕穿桐露生涼蓮粉墜閉庭寂靜流螢至玉闌
邐迤接層霄翠朶珠翹顏色膩低鬟再拜淑且真願分餘慧從
天人璇璣錦軸照今古更聞妙手稱鍼神萑葦載績幽風義何
用繡文誇絕技不見寒窗織素人那來珍館焚香地守拙惟應
淺淡妝授衣時節念爲裳元黃朱綠傳秋染雲漢昭回詠七襄
酬吳春麓前輩見贈原韻

白鶴山房詩卷十

六

臺閣名高第一流

神倉治粟傍鳧洲羨君憲府初乘傳愧我廉車尙給由

定例司道履任

部給由憑明史職官志已有此名白簡威聲傳

北闕青箱家世冠南州鴻才待展爲霖手

帝後曾聞讀九邱

敢謂時材軼衆流畿東一路控滄洲淳風欲返仁和里要塞頻
連緊望州欬唾快投珠錯落襟懷共暢景夷由相期促膝論今
古名德從來重太邱

先生仍世濟美比于潁川云

永平道中

薊塞東盤識岫容令支濃翠鬱龍從懸車度谷思遺蹟竟海爲
關紀曩封巖石怪如李廣虎水泉清出慕容龍
神京左臂屏藩壯好遣耕畬帖野農

丙子元日

桃符懸戶覺年憂愧我輅車戒曉行敦朴未能齊薄俗壽張何
術化愚氓騶輿祗忝褰帷望旌節深慚剖竹榮徒憶鯉庭春晝
永又周太乙頌長庚先君子分守河東於乙未歲年四十五是
在晉陽度歲有默數行年周太乙每逢
佳節祝長庚之句本今歲年四十九太乙
之數早周而於逢次度歲情景相似故云

平澗道中寄懷石士

負
修門咫尺隔雲霄話到仙瀛夢已遙揚激漫襄廉問職疎庸恐

聖明朝稍欣墉櫛藏都足尙願榕楊氣早消瞥眼年光如過隙
吳霜頻向鬢邊飄

聯轡題襟十載情大羅仙詠記分明詩材誰似黃門健官職真
如紫府清落筆雲煙生狡獪堆牀籤帙任縱橫還君鳳沼原堪

樂待譜

昇平雅頌聲

蔡生甫鴻臚乞假南旋詩以代柬即次留別原韻

朝簪脫後澗槃寬莫道中流勇退難老學每留芸館望幽懷早
採菊英餐八磚尙憶雍容度三徑原無异患干自是湛然波不
起定心何用遣人安

臯比曾記擁朱垠

先生曾主粵東
講席教化大行

此去吟壇筆有神積穀晴嵐

堪著屐餘不秋水好垂綸茅簷曝背金鑿夢栗杖過頭玉潤春
江國淳風猶似昔憑將

聖澤詔愚民

奉和覃溪先生與蘭卿菑鄰論詩見寄之作

元亨憶昔摠衣侍恰似清漳宅卜鄰繡斧慚爲乘傳客緇林頻

見受經人語參摩竭心原妙詩到陳芳派始真我愧疎蕪親吏
事難將凡骨擬通神

半空飛下鳳鸞音頑礦陶鎔哲匠心自昔雅材歸麗則何人筆
法契雄深鯨牙學海才宜健牛耳騷壇道孰任今日蘇齋同鄭
里漫從北海問良鍼

夷齊廟

昔仰仁人里今來拜古祠乾坤留大節兄弟立民彝北海波堪
挹西山蕨尚遺嗚他射鉤相博物識兪兒

讀覃溪先生石洲詩話仍用前韻奉寄

文章妙手從天得奚必清詞麗句鄰珠好怕逢留犢買金稀莫
怨揀沙人楚庭那識龍爲幻唐肆應知馬未真俄頃洪濛游已
遍憑虛纜信羽車神

白鷗山房詩卷十一

八

每從燥濕辨絃音想見陰何苦用心夙悟能超鐘律外移情祇
在海山深注眸矢待由基射聖鼻斤惟郢碩任自得良方貽肘
後膏肓廢疾不須鍼

三月十二日喜雨時

聖駕方幸南苑恭賦一律

鑿鈴吉日舉春蒐甘雨知期潤紫油兩番恰乘風信暖一犁初
試土膏柔平原草淺堪調騎繡陌泥融已沒軻自是六符諧
帝德

時巡膏澤遍神州

宏仁橋謁碧霞元君祠作

泰元徵受策琳宇闢郊闡法象丹青煥
天題日月新潔蠲隆秩祀膜拜走村民霖雨崇朝徧應滋大地

春

賀簡庵

記名外簡

中允聲名海內知

御屏今復拜

綸絲傳家銅鼓威稜遠治世金椎抱負奇虎觀早看勤日直犀

轡行見肅風期與君先後鷹

宸簡獨愧竽吹潞水涓

石士以詩扇見貽率韻奉答

春筵憶共把璠卮瞥眼流光又入時

夏至後半月為三時吳中田家謂之入時地接

銅街猶覺遠詩穿珠顆未嫌遲散材自愧偏治劇高論何能卻

減卑拜手清風煩暑滌故人心跡雪霜知

白鶴山房詩飲卷十

九

題許周生武部鑑止水齋詩集

吳興大雅久不作歎君出語如風松餘不溪淥寫肝膈葛公山
翠開心胸白雲在天意蕭遠澗水觸石聲琤琮閉門卻埽耽芟
製迴視軒冕皆塵容

石士復入翰林寄之以詩

巒坡一出那重還鄭重

綸言紫禁頒舉燭誤真緣聽瑩埋輪心本為懲奸槐廳草綠尋

初地蓬島花紅認故山明日趨

朝徵異數螭坳偏壓殿中班

故事編修侍班在科道上

督漕潞河口占

新水平添一尺強塞垣懸溜下漁陽盤渦迴薄鼻鷗喜沙激連
延苻藻香邪許乍聞喧百丈嘔啞倏見轉千檣析津上應知非

偶八穀年年達

帝鄉

檢鑑止水齋集有李將軍

長庚

詩余昔在閩南熟聞其事

爰作長歌用補詩史

澎湖嶼外鯨波立黑水洋南黑風黑大星一夕墮餘皇羅刹酣
嬉鬼神泣將軍忠勇世少雙陰符祕計吞孫龐師干得膺顛面
寄十年歧海恬烽艘盧循剽悍孫恩鷲虺毒潛吹甚蜂蠆閩兵
延頸待浙兵公以偏師履危地三宮九意竿默操水犀之甲雄
于潮惟公蓄銳在大舉豈同河上師逍遙合圍方作擒渠計不
道修羅魔劫至孤軍深入遂無援山兆彭亡竟傾墜老蛟妖霧
歎珠宮礮火光騰巨艦紅十公拳爪常山舌披髮騎麟訴上穹
天吳含怒神鼉憤毅骨何堪膏虎吻惟公英氣在人間閃閃靈

旗精爽緊事聞

白鶴山房詩卷十

十

玉陛獎忠魂燾土榮分鐵券恩江淮萬福知名久

天語褒揚動九閭嗚呼鼓鼙思將帥將軍志節應無二敦詩說
禮大賢風誰意樓船師失利遺廟巍我碧水濱過車巷哭幾州
民鷺門濤吼蚶江雨高冢祁連列隧新塞天浩氣依然在終見
么膺殲渤澥徙薪曲突溯前勲殺賊睢陽非厲鬼我昔持衡古
冶城郵籤往復見平生卽今話舊餘振觸寫入新詩筆陣橫

題吳穀人先生集後

古意新裁得未曾槐廳芝苑譽飛騰吳儂傭販皆冰玉越國溪
山付佛僧豔影巧摹天水碧皴痕全學富陽繪西泠派別流傳
處合與西江作代興

讀列子一首

列子論至虛莊生說齊物那知宇宙間萬類至不一洪鈞所鼓
鞞織悉逮毫末譬如黃河流千里注溟渤玉石與泥沙一氣中
蕩涵奚能等量觀不辨精粗質鴟鵬與鷺鳩隨化各超越小大
皆天成順則了無闕何必齊不齊鉅細兩俱失川流敦化德並
育化機溢時哉觀行生高卑天地別

驟雨

西山雲湧失峯屏南浦殷雷動地聽掠樹風聲如虎猛撲簾雨
氣帶龍腥翻盆直恐銀河溢潤野真疑玉液零我正鈴齋忙判
牘陡教清夢落荷汀

題東坡集後

天水才名付大峨鳴酬雙鳥化工多劫灰五季文章盡特使先
生繼雅歌

嵩山羣靈卷十

七

大海瀾迴顛氣橫廣長無礙舌蓮生昌黎李杜三分鼎公自金
鑪一冶成

讜論忠規日月懸奎光常照斗牛躔那同文士論工拙齒冷蝦
蟇駭灌川

閩夏卽事

溽暑雨無候酸然成夕陰屯雲在檐北已復度西岑斜日逗疎
影長風吹遠音所欣嘉穀茂千隴翠煙深

楊村道中

響鑿雲光極浦橫新秋佳日此巡行大田已有西成意流水惟
聞東注聲衆綠粘天何所屆蔚藍映日最餘清雍奴風景如江
縣慣聽連檣萬艫鳴

行部梁城偶成五言二十韻並柬傅明府

蘆臺軍設後此地號繁雄沃野連維北瀛波控大東鹽田沙皓
皓星淀水滾深煙渚千家鏡雲帆萬里風波塘明鷺羽村舍隱
烏蓬曲港潮生落圓天影覆幪亭高欹短笠隄遠跨長虹草樹
何深蔚郊原盡鬱蔥權人兼網戶魚柵雜牛宮白小登盤細黃
中剖殼融菰蒲沿岸長秔稻卜年豐渤碣疆殊古江淮景欲同
樓船兵氣靜菽粟稅錢充列戍元菟近浮槎碧漢通寨帷慚擁
傳攬轡愧乘驄保聚欣黎赤謳歛聽叟童海濱原斥鹵萊畝那
耕墾化俗須崇本防奸在詰戎養恬應共引科斂莫相窮寄語
神明宰先成無字功

奉和簡庵冬夜獨酌感懷韻

昔賦從軍行貔虎觀桓桓今持憲使節當食愧素餐斯民苦凋
劫徂禍常不完安得萬丈衣擊壤羅羣歡公等坐承明矻矻文

史殫騫騰會有時勿詫行姍姍相期貞冬心炳燭忘夜闌

白鶴山房詩鈔卷十

十

賀簡菴督儲陝右

雄關百二控邊隅

帝遣儒臣董粟芻列戍千軍屯戊校贏糧萬斛泯庚呼西都好
檢蘭臺賦左轄應分竹使符君自節旄家世貴莫嫌合浦欲移

珠

纒使夙稱膺仕今
肅清不復仍前豪雄矣

功令

秋日郊行

秋意澹林坳秋光上野亭樹容團瘦綠山色隱空青紫穗全登
隴黃蘆未刈汀愛他枝畔蜨翩舞最伶俜

題孫秋士寒窗燈影圖

宣文紗幔認依稀一穗燈明白板扉午夜吟聲茅屋徹梅花香
氣透重幃

荻畫熊丸母訓同慈明兄弟舊家風一編好識劬勞意范傳由
來獨教忠

春暉倏忽逝川波慟絕臯魚可奈何他日甘泉圖畫裏不教青
史姓名磨

中秋觀月三首

圓靈積清氣秋至逾分明美此皓月姿皎潔流金精纖阿本陰
魄兌坎象互呈盛德乃在秋湛湛圓規盈三五卦納乾當酉升
東瀛照見羽毛棲令人肝隔清陽烏旣西匿續以玉燭熒羽衣
駕素蚪鞭徹玻璃聲瓊宮與桂闕俗說多不經但看纖翳無知
我心神瑩

金飈振林莽玉宇凝高寒皎皎牟尼珠光彩徹大千冰輪行白
道徐碾天街寬顛氣騰精英四溢光團團少昊正司節擘斂功

白鶴山房詩卷十

七

方殫長夏盛陰靈一掃埃瑤捐樞衡自旋轉成此無涯觀萬彙
何蕭森清如濯洎盤今月卽古月皓皓七寶完歲歲此良夜何
用生悲歡

二儀妙迴幹四序工推移獨有清秋節令人祛塵思涼風旣動
戶鴻雁方南歸懸此清宵光萬里無磷緇鱗雲何澹蕩圓魄逾
輝輝須臾宴解散微滓安所施金盈水斯壯壯蘊此胚胎機萬寶
益畱孰穎栗知無遺端居觀物理元象參幽攤忽聞木屋香已
度千家堦

題青牛度關圖

五千道德重東都柱下斷斷一老儒何事出關畱異跡流傳也
等七賢圖

宿高碑店作

垂楊影裏認前邨，獨鹿寒煙古戍屯。
山豁秋原寬眼界，林懸初月澹眉痕。
依微燈火尋茅店，輕輓旌輿近國門。
我正觀民欣擊壤，籌車處處飲衢尊。

題蘇叔黨斜川集

文章忠孝識清門，也似原泉湧地翻。
俊逸可憐真玉樹，淹通奚止辨金根。
一官乘障邊風遠，萬里趨庭海氣昏。
珍重遺編矜晚出，好教什襲重瓊璠。

水月菴禮佛偶成

精藍小築傍城闌，曲水周環不染塵。
偶禮金仙來淨域，卻參寶月認前身。
人間露電元無準，世外優曇總未真。
早向維摩空結習，天花任落祴衣新。

秋夜偶書

白鶴山房詩卷

十四

霜風初定息歸鴉，官閣燈明靜不譁。
與客相於惟綠綺，伴人清坐有黃花。
飛盡正報方州牘，擁絮應吟處士家。
獨把一編塵事少，祇疑退食自東華。

奉寄石士

文章風義最思君，咫尺春明未離羣。
著述好畱千載業，鐘彝誰策一時勲。
蘭臺芸閣餘清望，玉海珠鼓記異聞。
獨向漫堂懷往哲，騷壇何以張吾軍。

昔宋漫堂先生官此與涵洋竹垞諸先生唱和不絕見木集中

遵化道中大雪奉酬聶京圃同年陶然亭眺雪見懷原韻

一夜青山白，龍公試手豪。
徑深樵路斷，寒壓嶺雲高。
叱馭心彌壯，流年首暗搔。
來甦知有兆，農事慶東臯。

墮牒慚持斧，迂踈百不能。
故人真友石，琢句擬清冰。
憶戴情何永，攀嵇興倍增。
玉華賡唱處，高詠意飛騰。

宋雍熙三年於玉華殿御製雪詩命羣臣

題章右泉別駕餘閒嬉鶴圖

桐陰滿地蒼苔積日永庭階映深碧主人科跣百事無目注胎
禽引脩翮仙姿本自來海天瑤池飲啄分琅玕縞衣元裳貌清
迥肯與衆鳥同籠樊呼吸元霞飽朝露鶴亦如人絕塵趣鳴陰
舊澤况畱貽一一揚音起珠樹丹山毛羽自超羣鳳族鸞雛五
色分偶伴琴笙師闕道青田皓質會凌雲一官幸共潮河檝里
社枌榆早相接雲帆轉粟不辭勞歲歲陳紅報臺牒膠漆真聯
肺腑交素儀皎潔想霜毛鈴齋晝掩門如水我亦秋心在九臯
披圖卻羨蕭閒意阿堵傳神有佳致何山山下舊巢深夜牛書
聲出蒼翠白袷烏紗露氣涼知君骨相最昂藏盤霄一舉三山
遠那共雞臠問稻梁

白鶴山房詩卷十

五

題沈青齋先生松廬圖

蒼濤謾謾護牛眠頭白羲之誓墓田此際蓼莪心暫慰晨昏猶
似逮親年

午夜風號未定枝淒涼宰樹有餘思鹿馴白毳烏丹羽記取功
文立宅時

禹貢平當授一經囊河功績在淄青孝思終雪防封涕單舸輕
辭射戟亭

公奉事竣後仍回籍終制詔治河濟寧

蕭蕭竹樹傍覺洲大好桐川水碧流獨掩柴關題永慕閒情休
比五湖鷗

壽骨依然霜鬢鬚仙姿真與鶴同癩歲寒風節稜稜見青土蒼
顏貌得無

籜節相望泗水濱當年風義重雷陳瀧岡回首松楸隔我亦終

身痛鮮民

先大夫陳臬青齊與公為同僚誼最篤

鴛湖曾記泛蒲帆入座春風拂檜杉今日披圖倍惆悵口中石

關若為銜

余於戊午歲謁公於嘉禾里第嗣余北上通籍後不復見矣

海山一去典型遙過眼風光總易消喜有瓊枝能接武虬柯會

見翠凌霄

